

*BASKEPENSIONES BGAE INDIBIDUALAREN*

*VITAL PENTSIOA BERMATUA 2020*

*GIZARTE AURREIKUSPENEKO PLAN  
INDIBIDUALAREN*

*ARAUDIA*

2016ko martxo

**BASKEPENSIONES BGAE INDIBIDUALAREN VITAL PENTSIOA BERMATUA 2020**  
**GIZARTE AURREIKUSPENENKO PLAN INDIBIDUALAREN ARAUDIA**

**I. TITULUA**  
**XEDAPEN OROKORRAK**

**1. art.- PLANAREN IZENA**

Araudi honen bidez (“**Araudia**”), “VITAL PENTSIOA BERMATUA 2020” izeneko modalitate indibidualako gizarte-aurreikuspeneko plana (“**Plana**”) integratzen da BASKEPENSIONES BGAE INDIBIDUAL erakundearen barnean (“**BGAE**” edo “**Erakundea**”).

**2. art.- ARAUDIAREN XEDEA**

BASKEPENSIONES BGAE INDIBIDUALA erakundera atxikita dagoen VITAL PENTSIOA BERMATUA 2020 planaren araudiak arautu egiten ditu BGAEren eta planeko bazkide eta onuradunen arteko harremanak, baita haien eskubide eta betebeharrak ere.

**3. art.- PLANAREN MODALITATEA**

Plana, BASKEPENSIONES BGAE INDIBIDUALA erakundearen integratua, **sistema indibiduala** modalitateko plan bat da bazkideen edo atxikitakoen arteko loturari dagokionez; aldiz, hitzartutako ekarpen eta prestazioen araubideari dagokionez, **ekarpen definituko** plan gisa definitzen da.

VITAL PENTSIOA BERMATUA 2020 Planaren inbertsio-bokazioa BASKEPENSIONES BGAE INDIBIDUALAREN Gobernu Batzordeak onartu zuen (“**Gobernu Batzordea**”) Inbertsio Printzipioen Adierazpenean (**IPA**). Bokazio horren ezaugarria da plan horri lotutako ondarea Bermatutako Plan gisa osatzen dela, Borondatezko Gizarte Aurreikuspeneko Erakundearen jardueraren jakin batzuk arautzen dituen maiatzaren 29ko 97/2007 Dekretuaren 11. artikuluan adierazitako inbertsioetarako betebeharrak betez.

**4. art.- HASIERA DATA ETA PLANAREN IRAUPENA**

Plana Erakundearen integratutzat hartzen da, Eusko Jaurlaritzako agintari eskumendunak emandako baimena jaso eta Euskadiko Borondatezko Gizarte Aurreikuspeneko Erakundearen Erregistroan inskribatua izan ondoren.

Era berean, Plana denbora mugaturako izango da, 2020ko apirilak 30 bitarte iraungo baitu, huraxe izanik Araudi honetan ezarritako berme-aldiaren mugaeguna.

**II. TITULUA**  
**BAZKIDEAK ETA ONURADUNAK**

**I. KAPITULUA**  
**MOTAK ETA EZAUGARRIAK**

**5. art.- BAZKIDE ETA ONURADUN MOTAK ETA EZAUGARRIAK**

BGAEren araudian eta Erakundearen estatutuetan aurreikusitakoarekin bat etorritik, honako bazkide mota hauek izan daitezke:

## **A.- Bazkide Sustatzailea**

Kutxabank SA da bazkide sustatzailea, eta borondate eratzailez eta hasierako ekarpenak eginez parte hartu du borondatezko gizarte aurreikuspeneko erakunde baten sorreran. Gainera, Erakundearen gobernu organoetan parte hartzen du, haren estatutuek ezarritako moduan, indarrean dagoen araudiaren arabera.

Kutxabank SAK Bilbon (Bizkaia) du egoitza, Diego López Haroko kale nagusiko 30-32 zenbakietan, eta inskribatuta dago Bizkaiko Merkataritza Erregistroan (5.226. liburukia, 1. folioa eta BI-58.729 orria). A-95.653.077 IFK zenbakia du (“**Bazkide sustatzailea**”).

## **B.- Bazkide arruntak**

Bazkide arruntak edo osoak pertsona fisikoak dira, prestazioren bat lor dezaketenak, beraientzat edo beren onuradunentzat, unean-unean indarrean dagoen arautegiaren arabera (“**Bazkide arruntak**”).

Hainbat modalitate daude bazkide arrunten artean:

- Bazkide arrunt aktiboak: beraientzat edo beren onuradunentzat prestazioren bat jasotzeko eskubidea duten pertsonak, beraiek edo hirugarrenek beren izenean eginiko ekarpen ekonomikoen bitartez (“**Bazkide arrunt aktiboak**”).
- Etenaldian dauden bazkide arruntak: bazkide aktiboak izan direnak baina hiru ekitaldi ekonomikotan ekarpenik egin ez dutenak, ez beren kabuz ezta hirugarrenek beren izenean ere (“**Etenaldian dauden bazkide arruntak**”).
- Bazkide arrunt pasiboak: bazkide aktiboak izan direnak eta prestazioaren zuzeneko titularrak izatera igaro direnak, subjektu babestu gisa, gertakizuna jazo ondoren (“**Bazkide arrunt pasiboak**”).

Gainera, Erakundeak onuradunak ere izan ditzake. Onuradunak pertsona fisikoak dira, kausatzailearekin duten harremanagatik prestazioaren titular bihurtzen direnak gertakizuna jazo ondoren (“**Onuradunak**”).

Onuradunen berariazko izendapenik ezean, atxikipen-buletinean edo onuradunen izendapena egiazta lezakeen ondorengo dokumentu batean (zuzenbidean baliozkotzat hartzen dena), honako hauek izango dira onuradunak, lehentasun hurrenkeran adieraziak:

- Legez banandu gabeko ezkontidea edo behar bezala eraturako izatezko bikotekidea.
- Leinuzko ondorengoak.
- Aurreko ahaideak.
- Legezko oinordekoak.

## **II. KAPITULUA**

### **SARTZEKO, KIDE IZATEKO ETA BAJA EMATEKO ARAUBIDEA**

#### **6. art.- PLANARI ATXIKITZEA**

Bazkide arrunta izateko, banaka eskatu behar da, eta Gobernu Batzordeak erabakitako gutxieneko kopuruak jarri. Bazkide izateak esan nahi du onartu egiten direla Araudi honetako xedapen guztiak.

Planari atxikitzea Bazkide Arruntaren banakako eskaeraren bidez egingo da, eta eskaera horretan jasoko dira Gobernu Batzordeak ezar ditzakeen zehaztapenak.

Bazkide Arruntak edo Onuradunak Planari 2012ko urriaren 15etik 2013ko martxoaren 01era atxiki ahal izango zaizkio soilik, eta BGAEren Gobernu Batzordeak horretarako ezar ditzakeen beste aldi batzuetan.

Planari atxikitzeko edota ekarpenak egiteko aldiaren amaiera aurreratu egin ahal izango da ezarritako xede-zenbatekora iristean, edo muga hori zabalduz gero, hartara iritsitakoan.

Berme-aldiak irauten duen bitartean, denbora-tarte berriak ireki ahal izango dira, non Bazkide Arruntek ekarpen berriak egin ahal izango dituzten, eta, era berean, planean bazkide berriak sartzea ahalbidetuko da.

Atxikipena Kutxabank Saren bulegoetan egin ahal izango da, baita banka online bidez edo Gobernu Batzordeak zehaztutako beste edozeinetan ere.

#### **7. art.- BAZKIDE ARRUNTEN ETA ONURADUNEN BAJA**

Erakundearen estatutueta adierazitako arrazoiez gainera, honako arrazoi hauengatik emango zaie baja Bazkide Arruntari eta Onuradunari:

- Hilez gero.
- Eskubide ekonomikoak osoki erabiltzeagatik, legez eta arauz ezarritako modu eta baldintzetan.

### **III. KAPITULUA**

#### **ESKUBIDEAK ETA BETEBEHARRAK**

#### **8. art.- BAZKIDE ARRUNTEN ETA ONURADUNEN ESKUBIDEAK ETA BETEBEHARRAK**

BASKEPENSIONES BGAE INDIBIDUALAREN Estatutueta aurreikusitakoak izango dira, honako salbuespen hauekin:

##### 8.1 Eskubide ekonomikoen mobilizazioa

Bazkide Arruntek eta onuradunek ezingo dituzte beren eskubide ekonomikoak BASKEPENSIONES, BGAE INDIBIDUALEAN integratutako banakako beste aurreikuspen plan batzuetara intsuldatu, ezta eskubide horiek borondatezko gizarte aurreikuspeneko beste erakunde batzuetara mugitu ere berme-aldian.

##### 8.2 Eskubide ekonomikoak aurretiaz erabiltzea (berreskurapen eskubidea)

Kasu horietan, VITAL PENTSIOA BERMATUA 2020 Planeko bazkideek ezingo dute beren eskubideen borondatezko erreskaterik egin berme-aldia amaitu arte.

Berreskurapenen ordainketa soil-soilik egin ahal izango da bazkidearen banku-kontu batean eginiko sarrera baten bidez.

##### 8.3 Planarekin loturiko bermea

VITAL PENTSIOA BERMATUA 2020 Planak Kutxabank Saren bermea du bermearen azken datan (2020-04-30) beharrezkoak diren zenbatekoak osatzeko, eta merkaturatze-aldian Planari ekarpenak egin dizkioten bazkideek (2012ko urriaren 15etik 2013ko martxoaren 01era) beren ekarpenen zenbatekoaren % 100 jasoko dute, Planean azkenean jasoko duten errentagarritasunaz gain.

Erakundeak Planaren bermearen mugaeguna baino gutxienez bi hilabete lehenago jakinaraziko dio Bazkideari, bere eskubide ekonomikoak BGAEren zein Planetara intsuldatu nahi dituen esan dezan. Bazkideak bere eskubide ekonomikoak zein Planetara intsuldatu nahi dituen esan ahal izango du

Erakundearen jakinarazpena jasotzen duenetik hasi eta bermearen mugaeguna baino hamabost egun lehenagora arte.

Gehieneko bost eguneko epea igaro ondoren Bazkideak ez badu horren inguruan ezer ere esan, haren eskubide guztiak Baskepensiones 15era intsuldatuko dira. Eskubide ekonomikoen traspasoa gehienez ere bost eguneko epean egingo da garantiaren epearen mugaegunetik aurrera kontatuta, eta gero Plana likidatuko da.

#### 8.4 Aldian behingo informazioa

Estatutuen eta aplikagarria den arategiaren aginduz bazkide arrunteei eta onuradunei eman behar zaien informazioa eta dokumentazioa gorabehera, honako hau da aipatutakoek aldian behin jaso behar duten gutxieneko informazioa:

1. Eginiko edo jasotako ekarpen eta/edo prestazioen urteko ziurtapena, baita jasandako atxikipenena ere, hala badagokio.
2. Aldi bakoitzean eginiko ekarpenen (zuzenekoak edo egotziak) sei hilekoko ziurtapena, eskubide ekonomikoen balioa aldia amaitzean (eskubiderik balego), eta aldian gauzatutako prestazioen zenbatekoa. Gainera, kudeaketa txosten laburtu bat ere jasoko da, bazkideekin harreman telematiko bat dagoenean izan ezik, Arautegi aplikagarrian ezartzen den informazioa laburbilduko du kudeaketa txosten laburtuak.

Indarrean dagoen arategiak zehazten duen informazioa baliabide telematikoen bidez jarriko da bazkide arrunten eta onuradunen esku, norberak dokumentu idatzien bidez jaso nahi duela adierazten duenean izan ezik. Gainera, nahi izanez gero, Kutxabank SAn edozein bulegotan edo BGAEren helbide sozialean ere eskatu ahal izango da.

### **III. TITULUA**

#### **EKARPENEN, PRESTAZIOEN ETA GERTAKIZUNEN ARAUBIDEA**

##### **9. art.- PLANA FINANTZATZEKO SISTEMA**

Ekarpen definituko finantza kapitalizazio indibiduala izango da VITAL PENTSIOA BERMATUA 2020 planaren sistema finantzarioa.

##### **10. art.- EKARPENAK PLANARI**

1. Bazkide arruntek egingo dizkiote Planari ekarpenak.
2. Ekarpunen zenbatekoa Bazkide arruntek zehaztuko dute, Atxikipen Buletinean, eta sarrera dagokion kontu korrontean egiten den eguna izango dute sarrerako balio-data (Kutxabank SAn zabaldua, BASKEPENSIONES BGAE INDIBIDUALAREN alde).
3. Ekarpunen ordainketak egiteko, bide hauek erabiliko dira soil-soilik:
  - Zordunketa bazkidearen (edo arategiaren arabera haren aldeko ekarpenak egin ditzaketen pertsonen) Gizarte Aurreikuspeneko Planari lotutako banku-kontuan.
  - Banku-transferentzia bazkidearen Gizarte Aurreikuspeneko Planaren kontura.
4. Bazkide Arruntak Planari 2012ko urriaren 15etik 2013ko martxoaren 01era atxiki ahal izango zaizkio soilik, eta BGAEren Gobernu Batzordeak horretarako ezar ditzakeen beste aldi batzuetan.
5. Beste BGAE baten aurreikuspen-planen eskubide ekonomikoak VITAL PENTSIOA BERMATUA 2020 planera eramateak unean-unean indarrean dagoen araudiak ezarritako kontsiderazioa izango du.

## **11. art. EKARPENAK ITZULTZEA**

Ekarpentak kobratzeko administrazio-prozesuko akatsen ondorioz ekarpentak gaizki zorduntzen direnean Bazkide Arruntan kontuetan, BASKEPESNIONES BGAE INDIBIDUALAK, bazkideek alde aurretik hala eskatuta, gaizki kobratutakoa itzuliko du, zerga-ekitaldi berean eginez gero.

## **12. art.- INBERTSIOEN ERREGIMENA**

Erakundearen estatutuekin bat etorrituz, Planari atxikitako ondarea dagozkion segurtasun-, likidezia- eta errentagarritasun-irizpideen arabera inbertituko da, era honetako Erakundeei aplikatzeko moduko araudiak xedatutako moduan eta zenbatekoan, eta zehazki, Borondatezko Gizarte Aurreikuspeneko Erakundearen jardura jakin batzuk egikaritzeko modua arautzen duen maiatzaren 29ko 92/2007 Dekretuaren 11. artikuluan xedatutako eran.

VITAL PENTSIOA BERMATUA 2020 planari atxikitako ondarea inbertitzean, kontuan hartuko da beti aurreko paragrafoan ezarritakoa, Gobernu Batzordeak erabakiko dituen eta Inbertsio Printzipio Adierazpenaren bidez Bazkide Arruntei eta Onuradunei jakinaraziko zaizkien mugen barnean.

## **13. art.- PLANAREN PRESTAZIOAK**

Planaren prestazioak (Araudi honen hurrengo artikuluan jasoak) Bazkide Arruntak edo Onuradunak prestazioen ordainketa-datan dituen eskubide ekonomikoen balioari dagozkio.

Ezingo dira eskubide ekonomikoak bahitu, harik eta dagokion prestazioa kobratzeko eskubidea emango duen gertakizuna jazo arte; eta ezingo da eskubide horietan kenkaririk, atxikipenik, lagapenik edo konpentsaziorik gauzatu, ezta ezin kontraturen berme gisa erabili ere.

Gertakizuna jazotakoan, bahitura, oztopo judiziala edo administratiboa baldin badago, epaitegiak edo administrazio eskudunak erabakitakoa bete beharko da.

Heriotza kasuan, bahitura, oztopo judiziala edo administratiboa baldin badago, epaitegiak edo administrazio eskudunak erabakitakoa bete beharko da, onuradunei legezkiekeen hondarreko eskubide ekonomikoak jakinarazi aurretik.

## **14. art.- PLANAK ESTALTZEN DITUEN GERTAKIZUNAK**

VITAL PENTSIOA BERMATUA 2020 PLANA integratzen duen BGAEk estaltzen dituen eta prestazioak ordaintzearen arrazoi diren gertakizunak hauek dira:

### **a) Erretiroa.**

Erretiro-gertakizuna halakotzat joko da Bazkide Arruntak Gizarte Segurantzaren eta antzekoen araubidean oinarrituta edo eskumena duen organoaren arabera erretiroa hartzen duenean. Erretirotzat hartuko dira, halaber, erretiro aurreratua, malgua, partziala eta Gizarte Segurantzak onartzen dituen beste hainbat egoera baliokide.

Aurreko paragrafoan aipaturiko erretiroa ezin bada hartu, Erakundearen estatutuetan adierazitako adinean hartuko dela ulertzen da, inolaz ere ez 60 urte izan baino lehenago, baldin eta lan jarduerarik edo jardura profesionalik egiten ez denean edo egiteari uzten zaionean eta erretiro-gertakizunerako kotizatzen ari ez denean Gizarte Segurantzaren inolako araubidetan.

Erretiro partziala hartzen duten bazkideek erretiro osorako ekarpentak egin ahal izango dituzte, dagokion prestazioa jasotzen badaude ere.

### **b) Ezintasun iraunkorra edo lanerako baliaezintasuna, Gizarte Segurantzaren edo antzekoen edozein araubidetan ezarritakoaren edo eskumena duen organoaren arabera.**

Ezintasun iraunkorra edo lanerako baliaezintasuna izan daiteke: ezintasun iraunkor partziala ohiko lanbiderako; osoa, ohiko lanbiderako; absolutua, era guztietako lanerako; eta baliaezintasun handia. Egoera horiek zehazteko, Gizarte Segurantzaren dagokion araubidea erabiliko da.

Bazkide arruntak ezin badu Gizarte Segurantzaren sistema publikoko lanerako ezintasunari dagokion inolako prestaziorik jaso, lanerako ezintasun-gertakizuntzat joko da, baldin eta ordaindutakoaren araberakoak ez diren pentsioei aplikagarria zaien araudiarekin bat etorrita, eskumena duten organo ofizialek edo Erakundeak balorazio-funtzio hori espezifikoki egozten dion organoak erabakitzen badute aipatutako araudian jasotako baremoen arabera % 33tik gorako ezgaitasun maila edo gaixotasun kronikoa duela.

**c) Heriotza.**

Bazkide arruntaren heriotzak alarguntasun- edo zurtzasun-prestazioetarako eskubidea sor dezake, baita beste onuradun batzuen aldeko prestazioak ere. Onuradunak, dokumentu fede-emaileen bidez hala dela egiaztatzen duenean, aukera hauek izango ditu:

- Erakundearen Bazkide Arrunt gisa sartzea, dagozkion eskubideekin.
- Eskubide horiek Onuradunak adierazitako erakundera intsuldatzeko eskatzea, Araudi honetan aukera hori mugatua ez badago.
- Eskubideak eskuratzea, osorik edo partzialki, bazkide arruntaren heriotzagatik prestazio gisa.

**d) Mendekotasuna**

Adinagatik, gaixotasunagatik edo ezgaitasunagatik, autonomia fisikoa, mentala, intelektuala edo sentoriala galtzen dutenez, beste pertsonen etenik gabeko laguntza behar duten pertsonen egoera da; edo laguntza handiak behar dituzte, eguneroko oinarritzko zereginetarako, edota, ezgaitasun intelektuala edo gaixotasun mentala duten pertsonen kasuan, beste laguntza batzuk behar dituzte beren autonomia pertsonalerako. Gertakizun hau bat etorriko da mendekotasun larriarekin edo mendekotasun handiarekin, mendekotasunari buruz indarrean dagoen araudian ezarritakoarekin bat etorritik.

**e) Iraupen luzeko langabezia**

Lana galdu edo jarduera eten (langile autonomoen kasuan) duten pertsonak, baldintza hauek betetzen dituztenak:

- (i) Legez langabezia-egoeran egotea. Ondorio horietarako, lan-harremanaren edo harreman administratiboaren amaitze-kasuak hartuko dira aintzat, bai eta lan-kontratuaren etenak ere. Guztiak Gizarte Segurantzaren legedian aurreikusi bezalaxe.
- (ii) Ordaindutakoaren araberako langabeziagatik prestazioetarako eskubiderik ez izatea, edo hala badagokio, urtebetean kobratu izana, prestazioa aurretik amaitu den kasuetan izan ezik. Urtearen zenbaketa egiaztatu ahal izango da nahiz eta langabeziako 12 hilabeteak ez izan jarraian.
- (iii) Eskaera egitean enplegu publikoaren dagokion zerbitzuan enplegu-eskatzaile gisa izena emanda edukitzea.
- (iv) Aurretiaz Gizarte Segurantzaren araubidean integratuta egon diren eta orain jarduera etenda duten norberaren konturako langileen kasuan ere prestazioa jaso ahal da, arestian aipatutako (ii) eta (iii) ataletan xedatutako baldintzak betetzen badira.
- (v) Prestazioa hilabeteko errenta moduan ordainduko da, non eta Bazkide Arruntak ez duen ordainketa bakarrean egiteko eskatzen, enplegua sustatzeko helburu zehatz batzuekin. Hilabeteko errenta baliokidea zehazteko, honako irizpide hauek aplikatuko dira:
  - Ordaindutakoaren araberako langabeziagatik prestazio publikoa jasoz gero, errenta baliokide maximoa ordaindutakoaren arabera jasotako prestazioaren parekoa izango da, hasierako zenbateko gordin berekoa.

- Ordaindutakoaren araberako prestazioan jasotako zenbatekoa murriztuz gero, murrizketa hori orekatu ahal izango da egindako murrizketaren gehieneko zenbateko bereko prestazio osagarri bat emanez.
- Ordaindutakoaren araberako prestaziorako eskubiderik izan ezean, sistema publikoan ordaindutako kotizazioak aintzat hartuta kalkulatu da gehieneko prestazio baliokidea, bai eta ordaindutakoaren araberako prestazioa jasotzeko eskubidea izateko baldintzak betetzen direla aintzat hartuta ere.

#### **f) Gaixotasun larria.**

Bazkide Arruntari bere ohiko jarduera edo zeregina gauzatzea gutxienez hiru hilabeteko denboraldi jarraituan galarazten dion zeinahi gaitz fisiko zein mental edo lesio, edo bazkidearen, ezkontidearen, izatezko bikotearen, lehen mailako aurreko ahaideen zein ondorengoen edo babesean zein harreran Bazkide Arruntarekin bizi den edo haren menpekoa den pertsonaren kirurgia handiko esku-hartze klinikoa edo ospitaleko tratamendua eskatzen duen gaitza.

Aurreko kasuak gaixotasun larritzat joko dira, baldin eta Bazkide Arruntak ez badu horregatik baliaezintasun iraunkorragatiko ezein mailako prestaziorik jasotzen, Gizarte Segurantzaren araubidearen arabera, eta betiere, bazkideak erabilgarri duen errentaren gutxitzea badakar, gastuak handitu direlako edo diru-sarrerak murriztu direlako, modu egokian egiaztatuta. Ondorio horietarako, gastuen aurrekontuak aurkeztu ahal izango dira.

Prestazio-eskaerak BASKEPENSIONES BGAE INDIBIDUALARI egingo zaizkio idatziz, beharreko egiaztagiriekin batera.

#### **15. art.- PRESTAZIOAK ORDAINTZEKO MODALITATEA**

1. Aipatutako gertakizunak jazo eta onartutakoan, Bazkide Arruntek eta Onuradunek prestazioak jasotzeko eskubidea izango dute, eta prestazio horiek kapital moduan ordainduko dira. Euren zenbatekoa, hain justu, prestazioa ordaintzeko datan Bazkide Arruntak dituen eskubide ekonomikoen balioaren parekoa izango da.

Iraupen luzeko langabeziagatik prestazioa hilabeteko errenta moduan ordainduko da, non eta Bazkide Arruntak ez duen ordainketa bakarrean egiteko eskatzen, enplegua sustatzeko helburu zehatz batzuekin.

Prestazioa gaixotasun larriagatik kapital gisa gauzatuko da eta ezingo du gainditu sortutako gastuen zenbatekoa edo sortutako diru-sarreraren minorazioa, gaixotasunaren ondorio gisa.

Prestazioen ordainketa, kapitalean edo errentan, soil-soilik egingo da dagokion sarrera eginez bazkidearen edo onuradunen banku-kontuan.

2. Bazkide Arruntak idatziz eskatu beharko du prestazioa.

#### **16. art. PRESTAZIOAK ORDAINTZEKO PROZEDURA ETA AITORPENA**

1. Prestazioa eragiten duen gertakizun bat jazotzean, prestazioa jaso nahi duen Bazkide Arruntak edo/eta Onuradunak halaxe jakinaraziko dio BASKEPENSIONES BGAE INDIBIDUALARI, beharrezkoa den informazioa eta prestaziorako eskubidea duela egiaztatzen duen dokumentazioa gehituta.

2. BASKEPENSIONES BGAE INDIBIDUALA erakundeak dokumentazio hori aztertuko du, eta beharrezkoa irizten dion datu guztiak eskatu ahal izango ditu.

3. Eskaera eta sinestamendu guztiak Entitatean aurkeztu eta bost egun balioduneko gehieneko epean ordainduko ditu BGAEk prestazioak. Gertakizuna Bazkide Arrunt baten heriotza bada, ordea, epe hori onuraduna nor izango den zehazten denean irekiko da.

4. Bazkideek edo Onuradunek egin nahi duten erreklamazio orotarako, BASKEPENSIONES BGAE INDIBIDUALA erakundeak Gobernu Batzordearengana edo bazkidearen defendatzailearengana



joko dute, Erakundearen estatutueta jasota dagoen moduan. Hurrengo bilerako aztergaien zerrendan sartuko da erreklamazioa. Horren inguruan hartzen den erabakiaren berri emango zaio erreklamatzaileari.

#### **17. art.- BERMEA**

VITAL PENTSIOA BERMATUA 2020 Planak Kutxabank Saren bermea du bermearen azken datan (2020-04-30) beharrezkoak diren zenbatekoak osatzeko, eta merkaturatze-aldian Planari ekarpenak egin dizkioten bazkideek (2012ko urriaren 15etik 2013ko martxoaren 01era) beren ekarpenen zenbatekoaren % 100 jasoko dute, Planean azkenean jasoko duten errentagarritasunaz gain.

Planaren berme-aldia 2013ko martxoaren 01ean hasiko da, eta 2020ko apirilaren 30ean amaitu.

Bere planak 2020ko apirilaren 30ean zuen ondare-balioaren, 2013ko martxoaren 01eko balio likidagarria % 28,00 handituta sortutako balio likidagarriarekin kalkulatu, eta planak 2020ko apirilaren 30ean zuen egiazko balio likidagarriarekin kalkulatuak diren arteko aldeari dagokion zenbatekoa, alde hori positiboa izanez gero.

### **IV. TITULUA**

#### **ADMINISTRAZIO-GASTUAK**

#### **18. art.- ADMINISTRAZIO GASTUAK**

Planaren administrazio-gastuak araudi aplikagarrian aurreikusitakoaren mende egongo dira; % 1,60koak izango dira, eta Planari atxikitako ondarearen arabera kalkulatu dira. Gastuen ehuneko hori % 0,25ekoa izan zen merkaturatze-aldian, 2013ko martxoaren 01era arte.

Ondorio horietarako, administrazio-gastutzat hartuko dira Planari atxikitako ondarearen administrazio-lanetan sortzen diren zuzeneko zein zeharkako gastu guztiak; balioen salerosketatik eratorritako bitartekaritza-gastuak, ordea, ez.

### **V. TITULUA**

#### **ARAUDIA ALDATZEA**

#### **19. art. ARAUDIA ALDATZEA**

Araudi hau aldatu egin ahal izango da BGA Eren Gobernu Batzardeak proposatzen eta onartzen badu, eta ondoren, Eusko Jaurlaritzari aurkezten bazaio eta hark onartzen eta erregistratzen badu.

### **VI. TITULUA**

#### **GATAZKAK ETA ERREKLAMAZIOAK EBAZTEA**

#### **20. art. GATAZKAK ETA ERREKLAMAZIOAK**

Bazkide Arruntak, Onuradunak edo pertsona eskubidedunek legez onartutako beren interes eta eskubideekin zerikusia duten kekek eta erreklamazioak aurkeztu ahal izango dituzte, idatziz, Gobernu Batzardean edo bazkidearen defendatzailearen aurrean, norberak aukeratuta.

Gobernu Batzardeak, hala badagokio, Erakundearen zuzendaritzaren esku utz dezake ebazteko lana, edo hala badagokio, bertan zerbitzu profesionalak eskaintzen dituzten pertsona fisiko zein juridikoen esku.

Bazkidearen defendatzaileak gehienez ere 15 eguneko epean ebatziko ditu aurkezten dizkieten erreklamazio guztiak, berezkoa duen prozedura-araudiaren arabera. Eta defendatzailearen aldeko erabakiak lotesleak izango dira Erakundearentzat.

Bazkidearen edo gobernu-batzordearen defendatzailearen erabakia ez da oztopo izango erabateko tutoretza judizialerako eta ez administrazio-kontrolerako eta -berrikuspeneko funtzioen erabilerarako.

Nolanahi ere den, kexa edo erreklamazioa Batzar Nagusian edo Gobernu Batzordean erabaki bat hartzeko arrazoi bada, Erakundearen estatutuetan xedatutakoa aplikatuko da.

## **VII. TITULUA**

### **PLANA IRAUNGITZEKO ARRAZOIAK ETA ONDAREAREN ERABILERA**

#### **21. art. PLANA IRAUNGITZEA**

Plana iraungi egingo da araudi honetan ezarritako berme-aldiaren mugaeguna igaro ondoren.

Plana iraungitzean eskubide ekonomikoak Bazkide Arruntan edo Onuradunak izendatutako planera intsuldatuko dira, edo berariaz ezer adierazi ez bada, Baskepensiones 15 Planera intsuldatuko dira.